

Ukupuputulwa

Yohane 4:13-14, “Yesu alyaswike no kutila kuli wene, Onse uulenwako amenshi aya akekatwe cilaka nakabili: Lelo ulwenwako amenshi ayo ine ndemupela takomfwe cilaka umuyayaya; lelo amenshi ndemupela yakulaba munda yakwe icishima ca menshi ayalefukaukila ku mweo wa muyayaya.”

Twasanga ifyo akafukauka ka menshi ya mweo kaba. Natusanga ifyo icishima caba. Nomba, bushe akafukauka ka menshi ya mweo cinshi? Cishima icifukauka. “Icishima icifukauka, ni cinshi co, Munyina Branham?” Cena cishima ico lyonse cifuma panshi no kusunkila amenshi ya ciko kunse. Yena yalapongoloka fye inshita yonse. Cilayafwilisha icine ceka, lyonse fye ayapya kabili ayalengama, icishima ca kafukauka, akafukauka ka menshi ya mweo. Kena takafwa nangu kabili ka cikalishi; kena ka mweo. **Kena lyonse kalatwalilila ukulaipilibula, ukuleta pa mulu icintu icipya inshita yonse, ukulaya fye pantashi, ukulafuma ku fyuma fyakena.** kafumya ifyuma fyakako ukufuma pesamba lyakena, ico ka cili e kafukauka kene ka menshi ya mweo ayafumina pa mulu, **kalailasangulula-akene.** Yasuma, ayalengama, amenshi ayasuma. Kalayafwilisha akene; tamufwile ukulalolela imfula ukwisaisusha itanki lya kena. Lyonse kafumfumuka fye, kapela fye amenshi ya kena ukwabula ukulipilisha. Imwe tamulingile uku kapompa kena, uku kashumba kena, ukupomba kena, atemwa ukuilundako kuli kena. Kafukauka fye ka menshi ya mweo.

Namwishiba, nga mwasenda ifi fishima fya kale, mufwile uku cishumba noku cishumba, noku cishumba, nokupompa, ne fintu fyonse pakufumya utumenshi

utunono tulya utwacikalishi, lelo akafukauka ka menshi ya mweo kayapela fye ubupe ukwabulo kupompa, ukuilundako, icintu icili conse (*Yeremiya 2:13*).

Owe, ndi ne nsansa pali kalya Kafukauka (*Amalumbo 36:9*). Ee, mukwai. Kena takafwaika ukukwata cakusushilako ukufumyamo utushishi, pantu yalefuma panshi mulya mu Cilibwe mpaka tamuli utushishi mulya. Kena takalingile kukwata insalu ya masambililo ukulebela pali kena (Cilya cishinka co.), imo imibombebele iyapangwa iye sonde iyapangwa no muntu, amano ya cilonganino ukumweba kuli shing'anga wa mashilu nga cakuti namulinga ukushimikila nangu iyo. Kena takakwata nelyo lumu ulwa pali sho insalu ishakowela isho ishilebela pali kena. Kuti kakasunka fye lilya line fye ilyo mwabika cena palya. Imwe tekuti mucicite. Cilya cishima cilefukauka fye pa mulu, inshita yonse. Nga mwabikapo lumu ulwaisho insalu pali kena, kena kuti kaiposela kunse ku lubali lumu nangu ulubiye. Kena takakwata inshita ya nsalu sha cilonganino pali kena. Imwe tamufwaikwa cicemeko, nangu icakusushilako, **takuli ukupompa, takuli ukusunkanya, nangu icili conse cimbi. Kena kaba fye palya, ukufukaukila pa mulu. Kena takalingile ukushintilila pa mfula ya muli iyo ncende ukukesusha. Imfula e ku puputulwa.** Uko kalya kafukauka akali palya pa kafukauka ka mweo, ukuli Icitumbi canama, eko ba kapumpe balongana (*Luke 17:36*). **Tamulingile ukupompa ukupuputulwa; tamulingile ukupompa nelyo fye cimo. Icintu fye cimo ico mulingile ukucita kwisa fye ku Kafukauka. Kena lyonse kaisulamo ayasuma, amenshi ayawama, kabili takwaba ne mpela kuli kena. Kena katwalilila fye ukulafukauka.**

Tamulingile ukuya ku cishima no kusosa, “Cisuma, nga yaloka no kupongolola ukufuma pa butala, tukakwatako yamo a²ya kunwa.” Mwe, mwe. Te ici, cilya cishima ca

kafukauka cilefumfumuna ayasuma, amenshi ayatalala inshita fye yonse. Imwe kuti mwashintilila pali cena. Imwe tamulingile ukusosa, “Cisuma, nalaya kulya ku cishima ici ica kale. Ifwe twalenwa ukufuma kuli kena, tayiloka mu nshita itali. Ndemweba, limbi kuti calikama.”

Ulya e musango umo uwa iyi imibombebele iyapangwa no muntu yaba. Imwe kuti mwaingilamo, nga cakuti namukwata cintu cimo icikulu icilecitika, ibumba ilikulu ilya makwebo, nokushitisha ifintu fimo, nangu umusango umo uwa cintu cimo icilecitika, imitebeto ikulu ne fintu ukulacitika, ifyamangalo fya bunco, ne mitebeto mu miputule ya panshi, na fyonse, imwe kuti limbi mwasanga ing’anda iyaisulamo; lelo uko kalya akafukauka kafukaukila pa mulu lyonse, abantu baba kulya balepoka ayasuma amenshi yakunwa ayatalala; imwe Kutu mwashintilila pali kena. Mwatila, “Tabatala abakwatapo ukupuputulwa pa myaka ikumi.” **Nga mwaikala kuli kalya kafukauka, kena lyonse kalakwata ukupuputulwa ukutwalilila.**

Ulya e musango caba nga waikalilila kuli kalya Kafukauka ka Menshi ya mweo. Kena kali aka mweo inshita fye yonse, ukulapongoloka fye lyonse, lyonse kabili lyonse kabili lyonse; takwabe mpela kuli kena. Tacili kabiye kamone nga amenshi yamo, nga twalikwetepo imfula kuno tekale sana; ico teco iyo. Ni kalya kafukauka ka Menshi ya mweo.

Nge fyo nsosele, kena kapela amenshi yakako ubupe fye. Imwe tamulingile ukubika ifisalu pali kena ukusanga—insalu shimo isha masambililo ilyo imwe tamulatuma wene kunse ukuya mu kushimikila no kumona nga cakutla Ena alasopela bwino amashiwi yakwe, ala yalanda bwino, nga ena alabomfya ba noun naba pronoun, kabili na fimbipo, naba adjective. Abengi

pali balya tabaishiba nefyo fyaba. Lelo ena aleikala pa Kafukauka cimo cine--cimo cine.

Takashintilila pa mfula ya mu ncende kabelamo ukukesusha atemwa ukupuputulwa kwa muli ilye ncende, pantu kena takalingile ukucite co, pantu amaka yakako no kupwililika kwa kako fyaba fye muli kena. Mulya e mwaba Icebo, Amaka ya Cena icine. Ilyo umuntu enga pokelela Cena mu mutima wakwe, Cena calikwata ukupwililika kwa Ciko; Cena calikwata amaka ya Ciko. Yaba mulya mu Cebo Iicine. Cilapukila ku Umweo (Yohane 7:37-38). [1]

Ifyo tukabila ilelo te bwingi ubwa fipe; ifwe twalikwata filya. Ifwe tatulefwaikwa ama chalichi ayakalamba; ifwe tatufwaikwa inkuta ishikalamba. Ifwe tatufwaikwa ifingi pa mulabasa no mulasa wa fikope. Ifwe tatufwaikwa ifingi nganshi ifi fintu. **Lelo ico tufwaikwa ilelo ukuba uwa bumupashi, caba umuntu uyo uuli no kuipetamika abene ku cinso cakwa Lesa nga tabakwete ikobili, kabili bali no kupepa mpaka ulyo mupashi muli bena uli no kwikushiwa no busuma bwa kwa Lesa, kabili no kupuputulwa kulacitika mukati ka mutima wabo ico icipilibula imibele yabo no mulola uo bekalamo.** [2]

Nomba, kutikeni nganshi nomba. Nomba, tulesanga ukutila kukaba amabulwi ne mpupilisho sha bulwi (Mateo 24:6). **Kabili nomba tulemona ukutila icimuti ca makunyu cilelemba amabula ya ciko,** kabili ifimuti fimbi filelemba amabula ya fiko, ba Methodist, Bapatist, Preysbrian, kabili na bonse ukulemba amabula yabo, ukupuputulwa kukalamba kulecitika (Mateo 24:32-34). **Nomba, nalicetekela ukutila Lesa alelonganya Nabwinga kuli ilya ora iyakulekelesha, abasalwa. Owe, mwe.** [3]

Nomba, ulya e mulandu wine ilelo ukutla ukupuputulwa uko tulingile ukukwata...Twalikhata ukupuputulwa kwa filonganino! Ifwe tatwatalile kwata ukusunkana ukwine kwine. Iyo, iyo, iyo, iyo. Iyo, mukwai. Mwilatontonkanya natukwata ukupuputulwa; ifwe tatukwete. Owe, bena balikhata ba milioni na ba milioni na ba milioni ba bamembala ba lukuta, lelo te kupuputulwa nomba kuno. Iyo, iyo.

Nabwina talati akwate ukupuputulwa nomba. Mwamona? Takwabako ukuputulwa kulya, takuli ukumonekela ukwakwa Lesa ukusunkanya Nabwina nomba. Mwamona? Ifwe tulelele kweni. **Cili no kusenda filya ifibulumo cinelubali ifishaishibikwa kunuma kulya ukushibusha Wene nakabili. Ena akatuma fyena. Ena alilaya cena.** [4]

Munyina Branham bali mwipwishe: *bushe ifibulumo cinelubali ifyo ifyakuma ku nkama cinelubali fyalisokololwa kale? Bushe fyali sokololwelwe mu fikakatikilo cinelubali, lelo nomba tafilaishibikwa kuli ifwe nge fibulumo nomba?*

Iyo, fyali sokolwelwe mu Fikakatikilo cinelubali; filya efyo ifibulumo fyabelelepo. Fyali no kusokolola...Ifibulumo cinelubali ifyo ifyalandile amashiwi yafiko kabili takuli nangu umo uwingeshiba ifyo fyali...**Yohane aliishibe ifyo fyena fyali,** lelo balimukenyi ukufilemba. Ena atile, “lelo malaika uwalenga cinelubali, mu nshiku sha kubila kwakwe, inkama cinelubali isha fibulumo cinelubali shikasokololwa.” Kabili malaika uwalenga cinelubali ni nkombe iya nshita ya lukuta iyalenga cinelubali (*Ukusokolola 10:1-7*). [5]

Nalimwene inshita imo ku Lake Michigan uko umwela walepupa, kabili waletensha fye. Naliimine kulya lubali ukulolekesha amatamba ilyo yaleisa, kabili, owe, ulya bamba aletoloka, atemwa amenshi yaletoloka, kabili amabwato yalesunkana. Kabili natontonkenye, “ni cinshi cilya icilecitika?” Natontonkenye, “Cinshi, bamba nakwata ukupuputulwa.” Cilya e co. Aletoloka no kusunkana, cinshi? Kuliko icipupu icamwela icikali icileisa pali yena. Cisuma natontonkenye, “Cisuma, namwishiba cinshi? Tamuli akalitoni na kambi akamenshi muli yena ino ine nshita ukucila ifyo yali ilyo yena yaciba tondolo umupwilapo.” Tamuli kabili amenshi muli yena, yena ili fye iyasunkanishiwa. Cisuma, nombu, ni cinshi icilenga yena ukusunkanishiwa?” Namwishiba ukusunkanya kwa menshi ifyo kucita? **yalasamfya fyonse ifiko ukufuma muli yena ukutwala ku lulamba.**

Cilya e co tulefwaikwa: ukusambwa ukwakukana cetekela kulya ku lulamba, lekeni Icebo cakwa Lesa cikwate intanshi. Cilya e co tufwaikwa, ukupuputulwa ukusamfya konse ukukanacetekela ukukufumya, kabili na fyonse ifishishi, na malele, kabili ne fintu. Fumeni mwise mumone ukutila Lesa acili ni Lesa. **Cilya e co tukwatilapo ukupuputulwa** (*Mateo 12:38-42; Abahebere 13:8*). [6]

Musangonshi twinga kwata ukupuputulwa ilyo tuli abakakwa? Ifwe natukaka Mupashi wa Mushilo no tubungwe twesu ne ntambi, kabili teti tukwate ukupuputulwa kwa Mupashi wa Mushilo. Amen. Ninjishiba cileoca nganshi no mwela, lelo cena cine. **Musangonshi twingakwata ukupuputulwa kwa Mupashi wa Mushilo ilyo muli abakakwa nganshi kabili abaumalala?** “Imimonekele ya bukapepa,” Baibele itila

bakakwata. “Iminokele ya bukapepa, lelo kuti bakana amaka ya buko.” (2 Timoti 3:1-5). Amaka ya finshi? Amaka ya kabungwe? Amaka ye sonde? Amaka ya lukuta? **Amaka ya Mupashi wa Mushilo.** Ilya e ncende iyankama mu lukuta. Kabili ilyo ulukuta lwasenda bakashimikila abasambilila, kabili ne fikulwa ifikulu, ne fya kuwaminisha, **mu cifulo ca nshita yakale Mupashi wa Mushilo, bena kuti cawama ukuba muli bu minshoni nakabili.** Ameni. Icine. Musangonshi muli nokukwata ukupuputulwa kwa Mupashi wa Mushilo, kabili abantu bakashimya Wene no kukaka Wene no kutina Wene? Palya epo ubwafya bubelele. [7]

Ndetontonkanya ukutila yena ninshita ilyo tatulingile ukuleka **Umupashi wa kupuputulwa ukufwa.** Ifwe tulingile ukuba mu kupuputulwa, lyonse ukupuputulwa cila bushiku. Paulo atile ena alefwa lyonse pakutila Kristu engaba uwa mweo. Kabili tatulingile ukuleka kulyo kupuputulwa ukufwa muli ifwe (1 Abena Korinti 15:31). [8]

Lelo pakubwelela numa, ibukisheni, imwe mulabwelela kunuma cila bushiku (Yakobo 3:1). Takwaba ishila imbi kuli imwe ukufuma kuli cena. Cisuma. **Lelo mulabwelela numa ku bantu mu lukuta, lelo te kuli Lesa...** Mwamona? **Imwe mulabwelela numa pali Kristu, lelo imwe ta mucita pali Lesa.** Pantu, nga imwe mwalibembwike mucine, imwe mwaya (1 Yohane 3:4-9). **Lelo imwe lyonse mulawa. Paulo alefwa cila bushiku.** Bushe cilya cishinka? **Ena alefwa cila bushiku, ukulapila cila bushiku, kabili lyonse ukulapila inshita yonse.** Mwamona? Kabili nga Paulo alicitile cilya, lyena naine ningile ukucita cilya. Bushe tamucita? Cilya cishinka. [9]

Nomba, nga kuliko uuli onse ukwete ifibombelo ifya kupuputulwa, ni munyinefwe uwacindama, Billy Graham. Lelo ifibombelo fili fye bwino, lelo ifibombelo teti fiseshe cena; **cisenda amaka ukusesha cena**. Imwe kuti mwapanga motoka, ukubikamo ifipuna ifisuma muli yena, ukupanga ba piston abasuma, no kushininkisha kuli science ifyo fingacita; **lelo kano amaka yali mulya, yena ciputulwa icafwa icafipe**.

E ico mu kupuputulwa kwa Welsh, kumo ukwesu ukupuputulwa ukwa ililine ilyo takulaba ukwesu kwa Pentecostal, takwali nangu umo uwaishibe icatendeke ukupuputulwa, ibumba fye ilya bantu.

Cibusa wesu, Billy Graham, ali no kusenda bonse ba Prysbyterian, na ba Luthren, na ba Pentecostal, ne fintu fyonse capamo, ukuya mu musumba, kabili kulya balekwata ukulongana capamo ukukalamba ukwa makana, kabili amakana amakumi yatatu beleisamo mu milungu ibili no kupela imitima yabo kuli Kristu; ukubwelelamo naimbi imilungu ibili kabili imwe tamwakwete umo. Mwamona? Filya fibombelo.

Lelo lekeni Lesa mu kuiteka Kwakwe ukwa kusenamina alandefye kuli umo umonono uwatumpa, ngefyo ningasosa, umo ushili nangu cimo; ukuleka Umupashi Wakwe ukuwila mu musumba kabili abaume teti baye ku ncito, abanakashi teti basamfye imbale, uwancito teti anshike ubusanshi, ukubilikisha no kulila na bemya na maboko yabo mu mulu. Kulya kupuputulwa; cilya ni mubufwayo bwakwa Lesa.

Calandilwe ukutila bamo abaume abacindama ukufuma mu lukuta baile kulya ku Wales ku kumfwikisha, atemwa ukwelenganya ifyo fibombelo fyonse fyali mu kupuputulwa, mu nshita ya kupuputulwa kwa Welsh. Kabili ilyo baikile mu bwato na bafwalako ne fisote fyabo ifitali, kabili ne nteneshi shabo ishashinguluka, bamwene

ukwisa mu musebo, kapokola umunono, ukushingulusha inkonto yakwe no kushingulusha no kushungulusha nga filya, alelisha umunsoli, bena batile, “We mwaume wandi umusuma, bushe kuti wanjeba uko ukupuputulwa kwa Welsh kubelele?”

Ena atile, “Ee, ba munyina; imwe namwiminina mukati ka kweni.” Ena atile, “Iwe uleumfwa, nine ukupuputulwa kwa welsh,” atile, “pantu ukupuputulwa kwa Welsh kuli muli ine.”

Kulya kuiteka. **Filya e fyo Lesa acita, kabili Ena eka nakwata insambu ukutuma ukupuputulwa.** Te kuleta ifibombelo capamo, **cili pepeni kuli Lesa ukuleta amaka.**

[10]

Nomba, ifwe natumona fye kumo ukupuputulwa ukukalamba nganshi, ndecetekela, uko isonde talyatala monapo, muli iyi iyakulekelesha ikumi, imyaka ikumi na fisano (ilyo tailafika 1964). Lelo, nombi, mu nshiku ishinono ishapitapo kuli tondolo. Imwe tamumona ukupimpa mu bantu uko ukwalebako.

Ndeibukisha inshita imo mu Vandalia, Illinois. Naingile mu kulongana. Kabili ilyo nshilati mbe mukulongana **ukucila ama miniti yasano** kabili kulya takwali umuntu uwanakuka muli ilye ncende, apali ponse. Ificinga ukusukilwa ku mbali no kutulikwa, impofu shalemona, kabili bankomamatwi na bacibulu ukulanda, kabili cena fye...**Umupashi wakwa Shikulu epo wali, kabili Ena aundepe fye ibumba lyonse lya bena.** Nomba, lilya e lintu mwingacita icintu cimo, ilyo ukupuputulwa kulecitika.

Lelo lekeni ulyo mulilo uwakupuputulwa ushime, lyena imwe teti mucite nangu panono...**Abantu bacilli Abenakristu, lelo bena tabapuputulwa muli ulyo**

Mupashi, ulyo ukalamba umulola uyo uucita icintu cimo. Cena caba kwati ni mwilungu mwituka Iya kafula wa fyela; mulingile mwalenga icela ukukaba ilyo muleya ukupumaula yena pa cela. Nga tamulecita, tamwakatale ukucolola. **Cilya e cisenda ukukwata ukupuputulwa, caba uuli onse ukuba pesamba Iya cikabilila ca Mupashi wa Mushilo uyo uleta ukwika amaka yakwa Lesa mu kupuputulwa ukulaeda.** Lyena kulabako ukulongana kwa mapepo ukulacitika akasuba no bushiku, miniti iili yonse ukuli konse.

Kulya eko impofu shalemona, ba nkomamatwi baleumfwa. Kabili bukapyunga mu bushiku bwaba ba mailoshi umwanda ukuciluka cilya, lelo imililo ya kupuputulwa naishima. [11]

Munyina Branham bali mwipwishe nakabili: *Nicinshi cilemoneka ukuba icalubana mu bushiku ubo tuleikalamo, pakuba uwacetekela no kukonka Imbila ne nkombe ye lelo, ilyo taungamoneka ukupepa ngefyo wingatemwa ukucita?*

Lilye lipusho ilisuma. Ndecetekela munyina, nkashi, onse uwipwishe lyena, **cena e cilelenga imibele ya nshita. Ukupuputulwa nakupwa. Ukupuputulwa kwabapo imyaka ikumi limo na fisano, takwatala fikapo pa myaka itatu ukupwa.** Ndecetekela nalupokelela ukupuputulwa kwa lwena ukwa kulekelesha. Kabili ndecetekela e umulandu wine uo teti mupepele no kufwa mu Mupashi nge fyo mwaleba. **Nipamulandu imililo ya kupuputulwa naishima.** [5]

Ndemoni mu mabumba kunse kabili na fimbipo ifya Baume ba Shimakwebo, “Kuleisa ili line, alleluya, ukupuputulwa ukukalamba.”

Mwibepwa. “Ena aliisa kale, kabili bena bacitile kuli Wene ico ica lembelwe” (*Mateo 17:12*). **Ilelo bena batontonkanya kuliko ukupuputulwa. Bushe kwena kulecitika? Iyo! Kwena kwalipwa, kwalifwa; kwena nakupwa. Moneni, ino ninshita yakuwamye inyali, ukufuma no kwingilamo. “Abo abalolela pali Shikulu bakapepemuka amaka yabo”** (*Esaya 40:31; Mateo 25:1-7*). [10]

Ici cilifye ku lukuta, Umubili wakwa Kristu, uo tuleesha ukutungulula ku matontonkanyo ayashika na mapange ayasansama, ukucetekela ukutila ukwisa kwa kwa Shikulu Yesu kuli mupepi. Ifwe twacetekela ifi ukucilapo. Kuli imyaka amakumi yabili ukupalama ukucila ifyo cali inshita yakubalilapo naishile ku Shreveport. Owe, ifingi ngashi fyalicitike ukutula ilya nshita. **Nomba, tulelolela ukwisa kwa kwa Shikulu mu nkulo yesu. Nshilelolela ukupuputulwa mu nkulo yesu; ndelolela ukwisa kwa kwa Shikulu mu nkulo yesu** (*Ukusokolola 22:17-20*). [12]

Ulya e mulandu wine cila nkulo yalikwata ukupuputulwa kwa iko, ishuko pa Cebo. Owe, ukuiteka kwa kwa Lesa pa bupingushi... Ibumba lyakwa John Wesley likema, kabili aba “abaumalala-abasambwa” ba Methodist abelelo bakesa asuka pali cena. Luther akesa ima. Ba Katolika bakema. Kabili kulya kunuma kuli Ireneus, Martin, Polycarp, kabili nabalya, kabili tukesaiminina ubupingushi pa kusankanya Icebo cakwa Lesa ku fishilano. Ili bumba lya bena Luther ilyo ilyakonkele ukupuputulwa kwa kwa Luther likasuka icintu cimo cine. Ibumba lya ba Baptist ilyo ilya konkele

ukupuputulwa kwa kwa John Smith lili nokucita icintu cimo cine. Alexander Campbell ali nokucita icintu cimo cine. Kabili ba Pentecostal bali no kucita icintu cimo cine. **kulyo kupuputulwa kwa ntendekelo, ilyo Mupashi wa Mushilo wawile, waishile ita abantu, kabili Lesa ukwesha ukutwala Icebo Cakwe kuli lyena, kabili bena babungenye cena, no kwikala uku lubali, no kubunganya, no kufwa palya pene.** [13]

Moneni. **Lelo moneni ilyo Nabwinga bwa bumupashi ilyo Wene atendeka ukukwata ukupuputulwa, ilyo Wene atendeka ukubwela no kuilungamika Umwine ne Cebo cakwa Lesa,** lolekesheni lyena nakabili, ifyo kutila Amalembo, pali ilya nshita **kukesaisa imbila ukuya ukwikata Nabwinga, ukwikata ulya umwanakashi-uwasalwa.** Satana kabepa, uyo uwabepele nabwinga uwakubalilapo ukubembukila Lesa pa ku kanacetekela Icebo Cakwe...

Lelo lyena, lolekesheni nakabili ku lukuta lwa bumupashi, ifyo lilye bumba lya bantu **“ilyaitwa,” Abasalwa mu kupuputulwa ukuli konse.** Muli Martin Luther; calicitike umusango umo wine mu Kulungamika. Calicitike icintu cimo cine mu nshita ya kwa John Wesley. Calicitike icintu cimo cine ilyo Pentecostal intanshi yatendeke. **Balibaletele balya abanakashi ukubabweshwa mu mushilwa ne Cebo, kabili lyena balesa mukutalukako.** Kulya lulabwelelamo ukuya mu cimfulunganya; **lelo nomba inshita ilyo abantu bali abaitenya ukukonka, kuliko imbila iyo iisa, kabili bena balalungatana na yena** (*Ukusokolola 10:7*).

Luther ali ni nkombe ya bushiku bumo ubwa **ukulungamikwa;** kabili ulukuta lwalungatene pamo na yena; bamo muli bena; abashala muli bena balitwalilile. **Wesley** ¹²**aishile no ku shishiwa;** ulukuta lwalungatene

pamo na yena. **Pentecost** yaishile no **kubweseshapo kwa fya bupe**; ulukuta lwaishile lungatana na yena, **abasalwa aba bulyo bushiku**, kabili elyo, yalifuminepo, babwelele kulya kwine kunuma mu bwina filonganino kabili baile filya fine na bashala, bonse muli bena ukuya fye mulya mwine mu mulongo.

Nomba, **lelo moneni nga ilyo abantu batendeka ukwesha ukulungatana ne Cebo, kulesa Imbila iipya ukufuma ku Cebo cakwa Lesa ukwisa fye ukutonta pa bantu, kabili yasungile ilye mbila mu butantiko, cila nshita. Caba fye muli Lesa. Ifwe twalikwata cilya.** [12]

Ni nshita nshi, munyina? Ni nshita nshi, kapyunga? **Bushe mulemona inshita ya kasuba ne cishibilo muleikalamo?** Bushe kuti mwailuka cena? Bushe mulemona cena?

Ukuli konse nomba takuli ukupuputulwa. Cila muntu aleilishanya, bakapyunga balelila. Nalebelenga ipepela limo ilyalumbukwa ilyo ilyaishile kuno ku lukuta, ipepela ilisuma nganshi. Kabili naliishiba kalemba, kabili nalibeshiba abantu. Kabili bena bantu ababulesa, abasuma nganshi, Munyina na Nkashi Moore, aba “Ukubilisha kwa Kwiswa Kwakwe,” imo pa mapepela ayasuma mwi bala, “Ukubilisha kwa Kwiswa Kwakwe.” Lelo tabalemba nangu fimbi kano fye nga cili palwa, “Lekenikukulya, pepeni, lekeni kulya, pepeni. Lisheni intandala. Sendeni.” Nibanga ababelenga yena? Namwishiba, mulaimona cila nshita. “Lekenikukulya, pepeni, lekeni kulya, pepeni!” Cilya ceka eco mumfwa. “Lekenikukulya, pepeni. Ifwe tuli nokukwata ukukalamba ukutula kwa kasuba. Kuliko icintu icikalamba icili nokucitika. Imwe bonse pepeni, pepeni, pepeni. Ifwe tatulacelwa nakalya.”

Mulandunshi bacitila cilya? Mulandunshi bacitila cilya?
Bena balefwaya ukubuka ukukalamba. Bena

balebilikisha, ukucetekela ukutla bena bali no kubushiwa. Bena bantu abasuma. Cinshi cibebele ifi? Ni finshi ifyo bena bacita? **Bena nomba nabeluka ukupuputulwa kwa kwa Nabwinga. Mwamona? Pakuba Umwinakristu baleumfwa ukutinta kwa ora, lelo tabaishiba ico icacitika.** Cilya e cilenga bena ukumfwa ulyo musango. Bena baliishiba icintu cimo cilingile ukucitika; lelo **bena balelelela cena kulyo kutali mu ntanshi ileisa, ilyo kwena kwacitika kale pakati fye pali imwe.** [14]

Nomba lekeni nsose ici apa. Nshilecetekela ukutla Lesa aleita fye ku lukuta lwa bufi ukulapila (*Ukusokolola 3:19*). Muli iyi verse Ena alelanda **ku basalwa Bakwe. Bena nabakwata ifyakulapilapo, nabo.** Abengi abana Bakwe bacili muli shilye nkuta sha bufi. Kuli balya abo calandwapo mu Bena Efese 5:14, “Shibukeni mwebalele, kabili imeni ukufuma ku bafwa, kabili Kristu ali no kumupelo ulubuuto.” Ukuba mutulo tekuba uwafwa. Aba nabalala pakati kabafwa. Bena bali kunse kulya mu filonganino ifyafwa. Bena baleelela pamo nabena. Lesa aleblikisha, **“SHIBUKENI! Lapileni ku kutumpa kwenu.”** Pano balepela ukongola kwabo, ukupela inshita yabo ne ndalama shabo, mucine ubumi bwabo bwine kuli utu tubungwe twa munkanyakristu, kabili inshita yonse ukutontonkanya fyonse fili fye bwino. Bena bafwaikwa ukulapila. Bena balingile ukulapila. **Bena balefwaika ukukwata ukupilbulwa amano no kupilibukila ku cine** (*Abena Roma 12:1-2*).

Eeh, ino ni nshita iyo ifwaikwa nganshi ukulapila. Lelo bushe yena ikacita? Bushe ikabwesha Icebo? Bushe yena nakabili ikabika Mupashi wa Mushilo mu bumi

bwa bantu? Bushe nakabili ikapela umucinshi Yesu nga Kapususha EKA? ^[15]

Ukupuputulwa kwi tontonkanyo lyandi, takukwata, cisuma, ukuleta ba membala abapya. Ukupuputulwa takukwata ibumba lyabapilibulwa, nangula filya fintu fyendela pamo no kupuputulwa. **Lelo ukupuputulwa caba ukupuputula ico mukwete kale, ukubalenga fye bena ukupuputulwa (11 Petro 1:13-14).** ^[16]

Umwakumona:

- [1] “Ifishima Ifyatobeka” (64-0726E), par. 74-83
- [2] “Beni Abashininkisha pali Lesa” (59-0125), par. 21
- [3] “Icikakatikililo ica Cibili” (63-0319), Seals Book pg. 211
- [4] “Icikakatikilo ica Citatu” (63-0320), Seals Book pg. 253
- [5] “Amepusho na Masuko” (64-0830E), Q-No. 395, COD Pg. 1161/ Q-No. 386, pg. 1158
- [6] “Umulola wakwa Lesa Ukukana Ilukwa” (64-0618), par. 3-4
- [7] “Ulukuta Ulwabepwa Ne Sonde” (59-0628M), par. 73
- [8] “Kuti Nacimfya Shani” (63-0825M), par. 33
- [9] “Amepusho na Masuko” (54-0103M), COD pg. 66, par. 48
- [10] “Ukwesha Ukubombela Lesa Umulimo” (65-1127B), par. 125-130,155-156
- [11] “Ukwita Yesu pa Cifulo” (64-0319), par. 41-50
- [12] “Ukwampana Kwa Mubumfisolo Ukwakwa Nabwinga wa kwa Kristu” (65-1125), par.22, 15 49-54

- [13] “Icebo Icalandwa E mbuto ya Ntendekelo” (62-0318), pg. 18
- [14] “Ukwishiba Ubushiku Bobe Ne Mbila Ya Buko” (64-0726M), par. 81-83
- [15] “Inshita ya Lukuta Lwa Laodikea”, Church Age Book pg. 356
- [16] “Isreale no Lukuta Pt. 1” (53-0325), par.1

Ilibwe Ilya Kukulilako Ilya Bumupashi No. 128 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena.

(Munyina Branham mu, Conduct-Order-Doctrine“, page 724]